

## Transkription von Urkunde MGD 1354a

Ort, Datierung: Magdeburg, 1354-10-15

Signatur: Landeshauptarchiv Schwerin, X, II, F. 8

Inhalt: Rat der Stadt Magdeburg: Erklärungsbeglaubigung

---

Wje ratmanne vnde dere Jnninghe Mestere der stad to Magd(eburg) , bekenne(n) . an . disse/me  
opene(n) brieue , allen den die on sehen , oder horen , dat die housche man . / bernhardus von alsleue  
, knecht , . heft vor vns ghewesen , vnde . heft . vor vns be/kant , dat die kloke man . her bernhard  
beyenwlet , . eme betalet heft , vor vif . / hundert mark stendalsches silui(re)s , von des . luchtighen  
vorsten . weghene , herto/ghen albrechtes , von Meklenburch , alse , vor . dat . hus , stad , vnde land , .  
/ to . lenczen , also dat hie den silue(n) hern , bernharde beyenwlet , vor vns v(m)me / de betalinghe  
der silue(n) vifhundert mark , heft ledighet . vnde los ghelaten , . / Dat betughe wie an . , disseme  
opene(n) brieue , . den wie ghegheuen hebb(e)n . / be seghelt mit vnseme heymeliken . jngheseghel .  
dat wie an dissen brief , . / hebbe(n) ghedrucket laten , Den wie ghegheue(n) hebbe(n) to eyner  
betuchnisse . / disser . dingh , Na goddes ghebord Dusent . jar , drehundert jar jn deme , / ver vnde  
vvftighesten jare jn sente galli auende , /